

संदेश



देशव्यापी साम्राज्यवाद-विरोध, सामंतवाद-विरोध
वर्ग संघर्ष तुन तेज कियाकल!



जनाधार तुन बेरसी कीसोरे, पार्टी ओसो पीएलजीए तुन
मजबूत कीयाला गुरिल्ला युद्ध तुन
व्यापक ओसो तेज कियाकल!
भारत ता क्रांतिकारी आंदोलन तुन उन्मूलन कियाला
केंद्र-राज्य सरकारकु ताकी कीयना
प्रतिक्रांतिकारी 'समाधान' रणनीतिक हमला तुन हरा
कियाकल!

पीएलजीए ता 18वीं वर्षगांठ तुन 2 तल 8 दिसम्बर एवनल
क्रांतिकारी उत्साह ओसो जोश ते मानेमायकल!

पीएलजीए ता 18वीं वर्षगांठ मौका ते उत्पीड़ित जनता तुन
सेंट्रल मिलिटरी कमीशन (सीएमसी), भाकपा (माओवादी) ता
संदेश!

(जनता नड़मा तूसना काजे काँपी)

सेंट्रल मिलिटरी कमीशन
भाकपा (माओवादी)

देशव्यापी साम्राज्यवाद-विरोध, सामंतवाद-विरोध
वर्ग संघर्ष तुन तेज कियाकल!
जनाधार तुन बेरसी कीसोरे, पार्टी ओसो पीएलजीए तुन
मजबूत कीयाला गुरिल्ला युद्ध तुन
व्यापक ओसो तेज कियाकल!
भारत ता क्रांतिकारी आंदोलन तुन उन्मूलन कियाला
केंद्र-राज्य सरकारकु ताकी कीयना
प्रतिक्रांतिकारी 'समाधान' रणनीतिक हमला तुन हरा
कियाकल!

प्रिय कामरेड्स ओसो जनता!

साम्राज्यवाद, दलाल नौकरशाही पूंजीवाद, सामंतवाद लोरा शोषण ओसो उत्पीड़न तल मना देश तुन मुक्ति कीयना लक्ष्य ते 2 दिसम्बर, 2000 ते मावा पार्टी ता नेतृत्व ते पीएलजीए बनेमाता इंदना विषय देश ता सब्बे जनता पुत्ता। मावा पार्टी ता संस्थापक, शिक्षक, भारत क्रांति ता निर्माता, अमर शहीद कामरेड चारू मजुमदार ओसो कामरेड कन्हार्ई चटर्जी लोरा दिशानिर्देशन ते, अमर शहीद कामरेड्स श्याम, महेश ओसो मुरली प्रेरणा ते, हजारों अमर शहीदलोरा स्फूर्ति ते मावा पीएलजीए बनेमाता। वायना 2 दिसम्बर ते मावा वीर पीएलजीए तुन 18 वर्ष पूरा आसोर मंता। इद मौका ते पूरा पार्टी कमेटिंग, कमानकु, पार्टी सदस्यलोर, पीएलजीए ता कमांडरलोर, योद्धालोर, क्रांतिकारी जनताना सरकारकु, जनसंगठन ता नेतालोर ओसो कार्यकर्तालोर, जनमिलिशिया ता सब्बे सदस्यलोर ओसो क्रांतिकारी जनता किन सेंट्रल मिलिटरी कमीशन (सीएमसी), भाकपा (माओवादी) क्रांतिकारी अभिवादन पेश कीसोर मंता। हत्ता एक साल तल प्रतिक्रांतिकारी 'समाधान' हमला तुन हरा कीयला काजे राजनीतिक, सैनिक ओसो सांगठनिक हिसाब ते कीता कोशिश लोपा शामिल आता सब्बे कामरेड्स कुन सीएमसी क्रांतिकारी अभिवादन पेश कीया मंता। 'समाधान' हमला तुन हरा कीयला काजे साहसिक हमलांग कुन अंजाम हीयना क्रम ते तमा जीवा तुन न्योछावर कीता वीर योद्धालोर कुन, बेच्चोको मुठभेडकु लोपा, फर्जी मुठभेडकु लोपा, धोखेबाजी

हमलांग, दुर्घटनांग लोपा, जेलकु लोपा, अस्वस्थता ता कारण ते ओसो अलग-अलग कारण कुने तमा जीवा पोहता सब्बे अमर शहीदलोर कुन विनम्रतापूर्वक क्रांतिकारी जोहार अर्पित कीसोर मंता। वाराटू! ओर आचारण ते पालन कीता कम्युनिस्ट जीवन मूल्यकुन, दुश्मन ना मुन्ने विंगवा लेवा मंदना ओरा साहस, क्रांति तुन जीडना इंदना अचंचल विश्वास, ओरा लडाकू कोशिश, जनता ना काजे ओरा जीवा तुन समर्पित कीयना ओरा आदर्श तुन पोयसी लागू कीयाकल! ओरा लक्ष्य तुन हासिल कीयला ओसो ओरा सपना तुन साकार कीयला काजे आखिरी सांस एवनल लडेय कीयाकोम इंजी किरिया कियाकल!

देशमेंड ताकता गुरिल्ला युद्ध कार्रवाइंग लोपा घायल आता सब्बे कामरेड्स जल्दी बेस आसी लडाकू जोश संगे ओसो वेने युद्ध मैदान ते तमा भूमिका निभा कीतोर इंजी सीएमसी आशा कीया मंता।

पीएलजीए ता 18वीं वर्षगांठ मौका ते 2 तल 8 दिसम्बर एवनल देशमेंड मावा आंदोलन ता सब्बे इलाकांग ना नाहक ओसो शहरकु ने इद समारोह तुन क्रांतिकारी उत्साह ओसो दृढसंकल्प ता संगे मानेमायला पूरा पार्टी ता कतारकु, पीएलजीए ता यूनिटकु, क्रांतिकारी जनताना सरकारकु, जनसंगठनकु ओसो क्रांतिकारी जनता किन सीएमसी आह्वान कीसोर मंता। दुश्मन ताकी कीयना प्रतिक्रांतिकारी 'समाधान' रणनीतिक हमला तुन हरा कीयना लक्ष्य ते पीएलजीए तुन संगठित कीयला काजे देशमेंड दिसम्बर महीना ते भर्ती अभियान ताकी कीयाला आह्वान कीसोर मंता।

देश ता नवजनवादी क्रांति तुन सफल कीयला ओसो एकता कांग्रेस-9वीं कांग्रेस निर्देश हीता कर्तव्य कुन हासिल कीयला काजे तमाक तामु समर्पित आसी, दोगवा लेवा कोशिश कीसोरे 'समाधान' हमला तुन हरा कीयला काजे लडे मासोरे इद साल (दिसम्बर 2017 तल नवंबर 2018 एवनल) देशमेंड सर्वहारा ना लगभग 235 मर्क-मियास्क शहीद आतोर। 'समाधान' हमला ता कारण ते तेलंगाना ता पूजारी कांकेर, दण्डकारण्य ता कसनूर-हलिब तुमिरगुण्डा, आयपेटा ओसो तिम्मम, एओबी ता डोकरीघाट लेक्काडव हमलांग ने पक्काये नुकसान आतोम। सीआरबी ता दोड़ काम कीयना अलग-अलग यूनिटक ओसो पीएलजीए यूनिटक ना 13 कामरेड्स, दण्डकारण्य (डीके) ते 168 कामरेड्स, बिहार-झारखण्ड (बीजे) ते 18 कामरेड्स, आंध्र-ओड़िशा सीमा (एओबी) इलाका ते 12 कामरेड्स, ओड़िशा ते 10 कामरेड्स, तेलंगाना ते चार कामरेड्स, महाराष्ट्र-मध्यप्रदेश-छत्तीसगढ़ (एमएमसी) ते 9 कामरेड्स, आंध्रप्रदेश ते वरोर कामरेड इद मौका ते शहीद आयलेर लोपा मंतोर। इदेना लोपा 75 तल ज्यादाये

महिला कामरेड्स मंतांग।

इद समय लोपा केंद्रीय कमेटी ता पोलित ब्यूरो सदस्य कामरेड देवकुमार सिंह (अरविंद, सुजीत दा), सीआरबी स्टाफ कामरेड दण्डबोइना स्वामी (प्रभाकर, सीआरबी प्रेस, डीवीसी स्तर), डीके ते गढ़चिरोली लोपा डीवीसी सचिव राउतु विजेंदर (श्रीनू), डीवीसी सदस्य कामरेड्स वासुदेव आत्रम (नंदू, विक्रम), डोलेश आत्रम (साईनाथ), ओडिशा ते कंधमाल-कलाहण्डी-बौध-नुवापाड़ा (केकेबीएन) डिविजन कमेटी ता सदस्य कामरेड्स शंकर मांझी (डेविड, विनय), लक्कू कोराम (मदन), एओबी ते मलकानगिरी डीवीसी सचिवालय सदस्य कामरेड वलिगोण्डा प्रमीला (शारदा, जिलानी बेगम, मीना), बीजे ते लातेहार जिला लोपा दो सबजोनल कमांडर कामरेड्स शिवलाल ओसो श्रवण कुमार, डीके ते गढ़चिरोली लोपा वरोर एरिया कमेटी सचिव, एमएमसी लोपा दरेकसा एरिया कमेटी सचिव, ओडिशा लोपा गोबरा एरिया कमेटी सचिव, एसी/पीपीसी सदस्य डीके ते 33 कामरेड्स, एओबी ते दो कामरेड्स, एमएमसी ते दो कामरेड्स, ओडिशा ते वरोर कामरेड, तेलंगाना ते दो कामरेड्स; पार्टी ओसो पीएलजीए सदस्य डीके ते 56 कामरेड्स, बीजे ते 16 कामरेड्स, एओबी ते 8 कामरेड्स, एमएमसी ते चार कामरेड्स, ओडिशा ते चार कामरेड्स, तेलंगाना ते तीन कामरेड्स, डीके ते आरपीसी नेता 9 कामरेड्स, जनसंगठन ता नेता ओसो कार्यकर्तालोरे 7 कामरेड, मिलिशिया कमांडर ओसो सदस्य 35 कामरेड, क्रांतिकारी जनता 8 कामरेड, एओबी ते वरोर मिलिशिया सदस्य, ओडिशा ते जननेतल कामरेड्स सन्नी सिकाका, बारी पिडिका, तेलंगाना ते जननेता कामरेड्स शिडम शंभु, बाताला राजू, तेलंगाना ओसो आंध्रप्रदेश लोपा पार्टी ता समर्थक गज्जेला लक्ष्मी ओसो कोण्डापल्ली कोटेश्वरम्मा इद समय लोपा शहीद आतोर।

प्रतिक्रांतिकारी 'समाधान' तुन हरा कीयना काजे देशमेंड माटू ताकी कीता राजनीतिक, सैनिक ओसो सांगठनिक कोशिश-अवेना परिणाम :

दिसम्बर 2017 तल नवंबर 2018 एवनल मावा पार्टी नेतृत्व ते पीएलजीए अलग-अलग गुरिल्ला जोनकुने ओसो लालप्रतिरोध इलाकांग ते लगभग 300 गुरिल्ला कार्रवाईंग कीतद मंता। पीएलजीए सीधा दुश्मन बलकुना पोर्रो लगभग 180 कार्रवाईंग कुन अंजाम हीतोर। इदेना लोपा 7 बेहरा कार्रवाईंग मंतांग, इवू - बुढ़ा पहाड़ (गढ़वा, बीजे), डीके ते इरपानार एम्बुश (नारायणपुर), एलाड़मड़गु एम्बुश (सुकमा), कासारम-पालेड़ एम्बुश (सुकमा), तुमला एम्बुश (बीजापुर), चोलनार एम्बुश (दंतेवाड़ा), मुर्दोण्डा (बीजापुर) हेरे माइनप्रूफ गाड़ी (एमपीवी) पोर्रो एम्बुश कीतद मंता। अद्रमे 21 मध्यम किस्म ता कार्रवाईंग कुन अंजाम

हीतद मंता। दुश्मन पोरो कीता कार्वाइंग लोपा लगभग 90 पुलिसतोर डोलतोर ओसो 190 पुलिसतोर घायल आतोर। डीके ते जन मिलिशिया तोर कीता स्पाइक होल (कांटासंगे बोंगा) युद्धतंत्र लोपा ई साल 100 जन पुलिस घायल आतोर। दुश्मन पोरो मावा पीएलजीए बलतोर कीता हमलांग कुना लोपा अलग-अलग किस्म ता 25-30 हथियार, टूटा ओसो अलग-अलग सामग्री तुन पीएलजीए दुश्मन तल जव्त कीता।

हत्ता उंदी महीना तल छत्तीसगढ़ चुनाव बहिष्कार काजे जारी राजनीतिक-सैनिक अभियान ना संगे सिलसिलेवार एम्बुश ना घटनांग कीतद मंता। इव अभियान ना संगे जारी राजनीतिक प्रचार ओसो गुरिल्ला युद्ध कार्वाइंग संगे संसदीय व्यवस्था ता विकल्प लेक्का जनताना राज्याधिकार अंगकुन निर्माण कीयना राजनीतिक संदेश छत्तीसगढ़ जनता तुके आयवा पूरा देश ता जनता नगा एवसी कीतद मंता। कार्पेट सुरक्षा ना इलाकांग लोपा आता इव कार्वाइंग उंदी वडका मावा पार्टी ओसो पीएलजीए ता मजबूत जनाधार तुन तोहतद मंता, दूसरा वडका कार्पेट सुरक्षा ता कमजोरी तुन वेने तोहतद मंता। बस्तर इलाका लोपा माओवादीलोर कुन लगभग खत्म कीतोम इंदना सरकारी ओसो पुलिस आला अधिकारीलोर दावा तुन वेने सही जवाब हीतद मंता।

उंदी साल लोपा जनदुश्मन मुखबिरलोर, लुटी राजनेतालोर ओसो प्रतिक्रियावादी तत्वकुना पोरो मावा पीएलजीए ता प्रधान ओसो द्वितीय बल, मिलिशिया ओसो जनता मीलेमासी लगभग 85 कार्वाइंग कुना लोपा 106 जनविरोधीलोर कुन खत्म कीतद मंता। इंदेना लोपा विशेषकर एओबी ते विशाखा जिला लोपा मावा पीएलजीएतोर खनन माफिया ता सरगना ओसो सत्तारूढ़ टीडीपी ता विधायक किडारि सर्वेश्वरराव, टीडीपी ता पूर्व विधायक सीवेरि सोमा किन खत्म कीता घटना शासक वर्गालोर कुन वेरी पुट्टी कीतद मंता, ओसो क्रांतिकारी जनता लोपा खुशी ता लहर बने माता। जनदुश्मन, डीके ते भाजपा युवानेता कोंडरू जगदीश (बीजापुर), भाजपा नेता ओसो ठेकेदार जयेदव नाग (दंतेवाड़ा), ठेकेदार, इंजीनीयर बाला नागेशवरराव (सुकमा), कंस्ट्रक्शन ता ठेकेदार बप्पाराव सीताराम, विशाल सरवैया, कपूर चंदू ठाकूर (दंतेवाड़ा), क्रांति ता गद्दार बने मासी मत्ता (पूर्व नक्सल) डीके ते मड़काम हुंगा, कमलेश, मुन्ना, बुधराम ताति, सतीश, एमएमसी ते उयके ज्ञानेशवर (गणेश, रवि) लेक्काडोर बेच्चोनो सिंगल टारगेट कुन वेने पीएलजीए खत्म कीतद मंता। बिहार-झारखण्ड, पूर्वी बिहार-पूवोत्तर झारखण्ड लोपा वेने उच्चुन खुंखार पुलिस मुखबीर ओसो गद्दारलोर, प्रतिक्रांतिकारी बुर्जुआ राजनेतालोर, ठेकेदारलोर कुन खत्म कीतद मंता।

देशमेंड क्रांतिकारी आंदोलन तुन कठिन परिस्थिति तल बाहर वायला काजे अलग-अलग स्पेशल एरिया/स्पेशल जोन/राज्यकुना लोपा मावा पार्टी ता नेतृत्व ते पीएलजीए बल, क्रांतिकारी जननिर्माण ओसो जनता अलग-अलग स्तरकुना लोपा गुरिल्लायुद्ध-जनयुद्ध तुन ताकी कीतद मंता। पार्टी योजनाबद्ध हिसाब ते क्रांतिकारी आंदोलन तुन पूना इलाका लोपा विस्तार आसोर मंता। दुश्मन ना तीव्र हमला-नाकेबंदी ना नड़मा ने जनाधार पोरो आधार आसी साहसिक तरीका ते लड़े मासोरे दुश्मन ना बलाकुन, ओरा दलाललोर कुन, बेच्चोन मुखबिर-कोवर्ट नेटवर्क कुन पीएलजीए ओसो जनता मीले मासी उन्मूलन कीसोर मंता। ग्रामीण इलाका लोपा जमीन समस्या तुन केंद्र ते तासीसी वर्गसंघर्ष तुन तेज कीयना, क्रांतिकारी जनताना राज्याधिकार अंग कुन निर्माण ओसो विकास कीसोरे क्रांतिकारी भूमि सुधार कुन लागू कीयना, जनता ना पिस्वल तुन सुधरे कीयला काजे भूमि समतलीकरण अभियानकुन ओसो उत्पादन तुन बेरसी कीयना आंदोलन कुना लोपा जनता तुन शामिल कीसोरे जनता ना आर्थिक, सामाजिक, राजनीतिक ओसो दैनंदिन समस्याकुना पोरो, विशेषकर, जल-जंगल-जमीन-इज्जत-अधिकार काजे, विस्थापन ना समस्या पोरो, राज्यहिंसा ना खिलाफ माटू बेच्चोनो आंदोलन कुन निर्माण कीसोरे जनाधर कुन बेरसी कीयला कोशिश कीसोर मंतोर। झारखण्ड ते सीएनटी ओसो एसपीटी कानूनकुन, भूमि अधिग्रहण कानून-2013 ते सुधारकुना ना खिलाफ बेच्चोनो जनांदोलन कुन ताकी कीतद मंता। तेलंगाना राज्य बने मातेके वेने जनता ना मौलिक समस्या कुन ओसो दैनंदिन समस्या कुन हल कीवा, जनता ना मुन्ने स्पष्ट आसोरेने जनवादी तेलंगाना काजे जनता तुन राजनीतिक रूप ते गोलबंद कीसोरे, जनांदोलन निर्माण कीसोर मंतोर। ट्राइ-जंक्शन इलाका ते जनता तुन राजनीतिक, आर्थिक ओसो दैनंदिन समस्या कुन पोयसी जनता किन गोलबंद कीसोरे अगडा आंदोलन धीरे-धीरे मजबूत आसोर मंता। पार्टी ओसो पीएलजीए किन बोल्शेवीकरण ओसो संगठितकीकरण कीयला काजे उच्चुन इलाकांग लोपा शिक्षा कार्यक्रमकु ओसो शुद्धीकरण कार्यक्रम कुन ताकी कीतद मंता ओसो उच्चुन इलाका लोपा ताकसोरे मंता। हत्ता 4-5 सालकु लोपा सीआरबी ता इलाका लोपा लीडरशिप ट्रेनिंग प्रोग्राम (एलटीपी) ओसो मिलिटरी क्षेत्र ते लीडरशिप ट्रेनिंग प्रोग्राम कुन ताकी कितोम। इवू नेतृत्वकारी शक्तिंग कुन प्रशिक्षित कीयना लोपा बेसता अनुभव दोरका मंता। परताचोन उच्चुन जागाने क्रांतिकारी जनसंगठनकुन ओसो जनताना सरकार ता अंग कुना अधिवेशन कुन दोड़ तल पोयसी पोरो एवनल ताकी कीसी ओरा नेतृत्व तुन मजबूत कीसोरे, जनसंगठन ना निर्माण कुन नियमित रूप ते फंक्शनिंग कीसोरे मजबूत कीयला

काजे कोशिश कीया मंतोम। शहरी इलाकांग लोपा बेगा मावा शक्तिंग मंतांग, व्यापक छात्र, मजदूर ओसो महिला क्षेत्र कुना लोपा आंदोलन कुन निर्माण कीया मंतोम। क्रांतिकारी आंदोलन तुन पूरा खत्म कीयना लक्ष्य ते किराया सरकारी बलकु ओसो ओरा हत्यारा खुफिया गिरोह ताकी कीयना राज्यहिंसा ना खिलाफ ते मानवाधिकार आंदोलन तुन निर्माण कीया मंतोर। 'नया भारत' निर्माण कीयना पोरय ते देश लोपा 'हिंदू राज्य' तुन निल्पी कीयना लक्ष्य ते धार्मिक अल्पसंख्यलोर, दलितलोर, आदिवासीलोर, महिलालोर, उत्पीडित राष्ट्रीयतानोर, प्रगतिशील ओसो जनवादी ताकता ना पोरो हिंदू फासीवादी शक्तिनोर कीयना हमला खिलाफ ते व्यापक जनांदोलन कुन निर्माण कीया मंतोम। अलग-अलग राजनीतिक विषय कुना पोरो क्रांतिकारी प्रचार कार्यक्रम कुन ताकी कीसोरे, क्रांतिकारी शक्तिंग लोपा क्रांतिकारी जोश तुन निहाला कोशिश कीया मंता।

सब्बे स्पेशल एरिया/स्पेशल जोन/राज्य, जोनल/डिविजनल/जिला कमेटींग वर्तमान राजनीतिक परिस्थितिंग लोपा व्यापक जनता तुन गोलबंदी कीयला काजे सहयोग हीयना कार्यक्रम कुन तय कीसोरे, जुझारूपन ओसो हिम्मत-साहस ता संगे अव आंदोलन कुन नेतृत्व एवसी कीया मंता। मावा पार्टी कमेटींग ओसो पीएलजीए बलतोर तोहसोर मंदना दुश्मन तुन हरा कीयना साहस ओसो आत्मबलिदान तुक तैयार आयना नेता परिस्थितियों लोपा व्यापक जनता तुन वर्गसंघर्ष लोपा गोलबंद कीसोरे, जनाधार तुन बेरसी कीसोरे कठिन परिस्थिति तल बाहर वायला काजे हरी पंडा मंता।

प्रतिक्रांतिकारी 'समाधान' हमला तुन हरा कीयना काजे हत्ता साल देशमेंड माटू राजनीतिक, सैनिक ओसो सांगठनिक कोशिश कीतदू मंता, इदेना महत्व पक्काय ज्यादा मंता। देशमेंड क्रांतिकारी आंदोलन कठिन परिस्थिति तल सामना समय ते माटू इद कोशिश तुन जारी तासतद मंता। इद प्रयास ता संगे उंदी-उंदी राज्य/इलाकांग लोपा उंदी-उंदी सकारात्मक परिणाम दोरकतद मंता। इव सकारात्मक परिणाम कुन माटू पूरा देश लोपा विस्तार कीतेके प्रतिकूलता जागा ते प्रधान रूप ते अनुकूलता कुन पुट्टी कीमुड़ आंता। इव अनुकूलतांग 'समाधान' हमला तुन हरा कीयला काजे उपयोग आंता।

प्रतिक्रांतिकारी 'समाधान' हमला तुन हरा कीयला काजे साम्राज्यवाद-विरोधी, दलाल नौकरशाही पूंजीवाद-विरोधी ओसो सामंतवाद-विरोधी वर्गसंघर्ष तुन तेज कीयाकल। इद वर्गसंघर्ष ता संगे जनाधार तुन बेरसी कीसोरे, पार्टी ओसो पीएलजीए तुन मजबूत कीसोरे गुरिल्लायुद्ध तुन व्यापक ओसो तेज कीयाकल।

मई 2017 ते केंद्र सरकार ताकी कीयना 'समाधान' हमला ता योजना घोषित कीता पेरके, हत्ता डेढ़ साल लोपा आक्रामक रूप ते इद योजना तुन अमल कीसोर मंतोर।

मई 2017 तल मार्च 2018 एवनल 10 महीनांग ने 'समाधान' हमला तुन केंद्र सरकार समीक्षा कीसी वेहता मंता देश ते 10 राज्यो लोपा 126 'नक्सल प्रभावित' जिलांग लोपाडल 44 जिला 'नक्सल-मुक्त' जिलांग लेक्का बदली आता ओसो माओवादी आंदोलन ता प्रभाव ज्यादा मंदना 35 जिलांगकुनल 5 जिला कुन इद वर्गीकरण तल बाहर टेंडतद मंता। केंद्र सरकार वेहता मंता "इंजेके माओवादी लोर सिर्फ 12-13 जिलांग लोपाने मजबूत मंतोर ओसो इव जिला ना संगे-संगे देश लोपा पूरा माओवादी-प्रभावित जिलांग कुन 'माओवाद-मुक्त' जिला लेक्का बदली कीयाकोमा।"

बेदे उंदी जिला लोपा सरकारी पुलिस, अर्धसैनिक ओसो कमांडो बलकुना पोरो पीएलजीए एम्बुश, रेड कीतेके अवेन किन ज्यादा माओवादी-प्रभावित जिलांग लेक्का ओसो एम्बुश, रेड कीवा लेवा जनविरोधीलोर कुन खत्म कीयना ओसो ध्वस्त कीयना घटनांग कीतेके अवेन किन माओवादी-प्रभावित जिला लेक्का केंद्र सरकारतोर चिन्हित कीसोर मंतोर। इदेना संगे-संगे, देशी-विदेशी कार्पोरेट घरानालोरा पूंजी तुन आकर्षित कीयला काजे नेंडू केंद्र ओसो राज्य सरकारतोर माओवादी आंदोलन ता प्रभाव कम आता इंदना वेहला पोल्लोंग पक्काये जरूरत अरता। दूसरी वडुका, मावा पार्टी ओसो पीएलजीए ता कमजोर शक्तिंग कुन सरंडर कीयला काजे मानसिक युद्ध ता संगे माओवादी आंदोलन कमजोर आता इंदना प्रचार केंद्र ओसो राज्य सरकारतोर कीया मंतोर। माओवादी आंदोलन तल प्रभावित जिला कम आयना इंदना केंद्र ओसो राज्य सरकारतोरा दावा तुन माटू मार्क्सवादी तरीका ते विश्लेषण कीया लागिंता। वर्ग ओसो वर्ग शोषण मंदना एवनल, वर्ग संघर्ष तुन नेतृत्व कीयना माओवादी पार्टी तुन बेद वेने सरकार खत्म कीया परवो। मावा पार्टी इंजेक वेने देश ता लगभग 20 राज्यकुना लोपा राजनीतिक ओसो सांगठनिक प्रयास कीसोरे वर्गसंघर्ष तुन जारी तासतद मंता। लगभग 10 राज्य लोपा मावा पीएलजीए ता यूनिटक बेदो उंदी स्तर ते गुरिल्लायुद्ध तुन जारी तासतद मंता। अदेन मैदे, केंद्र ओसो राज्य सरकारतोर वेहताना पोल्लो तुन माटू इद हिसाब तेने विश्लेषण कीसी जनता तुन वर्गसंघर्ष लोपा व्यापक ओसो जुझारू रूप ते गोलबंद कीयना। मति केंद्र ओसो राज्य सरकारतोर बेद पोल्लो वेहतेके वेने, 'समाधान' हमला तीव्र आता कारण ते मावा क्रांतिकारी आंदोलन कमजोर आयना परिणाम कुन ध्यान ते तासीसी, जनाधार तुन

बेरसी कीसोरे, पार्टी ओसो पीएलजीए तुन मजबूत कीसोरे, गुरिल्लायुद्ध तुन व्यापक ओसो तीव्र कीतेकेने माटू 'समाधान' हमला तुन हरा कीया परितोम। इदेना काजे वायना समय ते दोड़ रास्ता राजनीतिक, सैनिक ओसो सांगठनिक कर्तव्य कुन हासिल कीयला काजे प्रयास कीयना :

देशमेंड मावा आंदोलन ता सब्बे इलाकांग (शहरी, ग्रामीण ओसो जंगल इलाकांग) लोपा, बेगा पार्टी मंता, सामाजिक शोध कार्यक्रम पोरो आधार आसी अलग-अलग इलाकांग लोपा श्रम शोषण कुना बारे ते ओसो अतिरिक्त मूल्य तुन बेगा-बेगा शोषक वर्गनोर लूटी कीया मंतोर, इवेना बारे ते अध्ययन कीसी, श्रम शोषण तुन बोगेमायना सब्बे उत्पीड़ित वर्गकुन वर्गसंघर्ष ते गोलबंद कीयना। इव आर्थिक शोषण ना संगे-संगे राजनीतिक रूप ते उत्पीड़न, सामाजिक ओसो सांस्कृतिक रूप ते दमन ओसो अपमान तुन बोगेमायना सब्बे सामाजिक जनसमुदायलोर (दलितलोर, आदिवासीलोर ओसो महिलालोर, धार्मिक अल्पसंख्यकलोर) ओसो उत्पीड़ित राष्ट्रीयतानोर कुन वर्गसंघर्ष लोपा गोलबंद कीयना। विशेषकर, जमीन समस्या तुन केंद्र ते तासीसी सामंती-विरोधी संघर्ष ना संगे कृषि क्रांति संघर्ष तुन व्यापक कीयना। विस्थापन-विरोधी संघर्ष तुन साम्राज्यवाद-विरोधी, दलाल नौकरशाही पूंजीवाद-विरोधी संघर्ष लेक्का विकास कीयना। किसानलोर सामना कीयना सब्बे समस्या कुना पोरो आंदोलन तेज कीयना।

अलग-अलग इलाकांग ना उत्पीड़ित जनताना आंदोलन तैयारी पोरो आधार आसी जनता तुन कानूनी-गैरकानूनी; खुला-गुप्त संघर्ष ओसो सांगठनिक रूप ते गोलबंद कीसी संगठित कीयना। ग्राम/स्थानीय स्तर तल पोयसी केंद्रीय स्तर एवनल बेस्केडा अस्के प्रधान दुश्मन तुन अलग कीसी, दुश्मनलोर नड़मा मंदना अंतरविरोध तुन इस्तेमाल कीयला संयुक्तमोर्चा ता कार्यनीति तुन लागू कीयना। मित्र शक्तिंग ना संगे एकताबद्ध आयना।

हत्ता 4 सालकु लोपा केंद्र ओसो राज्य सरकार ता शक्ति संगे ब्राह्मणीय हिंदू फासीवादतोर दलितलोर, आदिवासीलोर, धार्मिक अल्पसंख्यकलोर पोरो अत्याचार रोमवा लेवा ताकसोर मंता। हिंदू फासीवादी हमला तुक शिकार आता तबकांग जुझारू रूप ते संघर्ष कीयना काजे तैयार मंतोर। इद हिसाब ते सब्बे शक्तिंग कुन ब्राह्मणीय हिंदू फासीवाद खिलाफ गोलबंद कीसी संगठित कीयना।

राज्य बलकु पोरो देश ता सब्बे इलाका लोपा शराब माफिया, रियल एस्टेट माफिया, वन माफिया, रेती माफिया, शिक्षा ओसो स्वास्थ्य क्षेत्र ता माफिया, चिटफण्ड कंपनिंग, बीमा कंपनिंग, शेयर बाजार ता दलाल - इद्रम बेच्चोनो रूप ते लुटी वर्गतोर जनता तुन रोजे शोषण ओसो उत्पीड़न ता शिकार आसोरे मंतोर।

देशी-विदेशी कार्पोरेट घरानलोर खुदरा व्यापार कुन तमा कंट्रोल ते तत्ता कारण ते उडला व्यापारीलोर ओसो खुदरा व्यापारीलोर आर्थिक रूप ते गंभीर समस्याकुन शिकार आतोर। इदेना कारण ते जनता विशेषकर नवजवान लोर पक्काय होंग ते मंतोर ओसो इवे ना खिलाफ ते लड़े मायला काजे तैयार मंतोर। अदेन काजे शोषक वर्गतेरा खिलाफ ते माटू जनता किन गोलबंद कीयना।

इद हिसाब ते माटू साम्राज्यवाद-विरोधी, दलाल नौकरशाही पूंजीवाद-विरोधी, सामंतवाद-विरोधी वर्गसंघर्ष ते व्यापक जनता तुन गोलबंद कीयना। मुन्ने वायना सक्रिय ओसो जुझारू बल कुन मावा जनसंगठन कुने ओसो अलग-अलग निर्माणकु लोपा संगठित कीसी जनाधार तुन मजबूत कीयना। इद जनाधार पोरो आधार आसी पार्टी ओसो पीएलजीए तुन मजबूत कीयना।

सेंट्रल मिलिटरी कमीशन ता आह्वान :

अंतरराष्ट्रीय ओसो राष्ट्रीय हिसाब ते मौलिक अंतरविरोध तेज आता कारण ते क्रांति काजे अनुकूल परिस्थितिंग बेरसा मंतांग। आर्थिक रूप ते कमजोर आता अमेरिकातेर लागू कीता आर्थिक, व्यापारिक, राजनीतिक, कूटनीतिक ओसो सैनिक नीतिंग यूरोप संगे पूरा दुनिया ता सब्बे देश कुना लोपा प्रतिकूल रूप ते प्रभावित कीसोर मंता। इद साल मार्च ते अमेरिकातेर चीन ओसो यूरोप उत्पादकुना पोरो टैक्स बेरसी कीता कारण ते अदेना खिलाफ ते चीन ओसो यूरोपतेर वेने अमेरिका ता उत्पादनकु पोरो टैक्स वाटतेर। अदेना कारण ते अमेरिका ओसो चीन ता नडमा व्यापार युद्ध शुरू आसी तेज आतद मंता। व्यापार युद्ध ता संगे-संगे अमेरिका ओसो चीन ता नडमा मुद्रा युद्ध वेने ताकसोरे मंता। इव विश्व अर्थव्यवस्था तुन नकारात्मक रूप ते प्रभावित कीया मंतांग। तमा आर्थिक कमजोरी ना कारण ते यूरोप ता सुरक्षा काजे नाटो गठबंधन तुन अमेरिका मुन्ने लेक्का पैसा आवंटन कीया परवा लेक्का आया मंता ओसो यूरोपीय देश कुना पोरो पैसा ना आवंटन बेरसी कीयना इंजी दबाव बेरसी कीया मंता। यूरोप तमा सुरक्षा काजे अमेरिका पोरो निर्भरता तल बाहर वासी स्वतंत्र नीतिंग ओसो व्यवस्था बने कीयला तैयार आया मंता।

रूस दिनल-दिनल आर्थिक रूप ते मजबूत ओसोरे चीन ता संगे मीलेमासी विश्व तुन ओसो पुनर-विभाजित कीयना काजे अमेरिका संगे पोटी आया मंतोर। विश्व तुन पुनर-विभाजित कीयला काजे अमेरिका संगे पोटी आसोरे चीनतेर लागू कीता नीतिंग कारण ते इदे नडमा अफ्रीकी ओसो एशियाई देशकुना लोपा (जिंबाब्वे, मालद्वीप ओसो श्रीलंका) राजनीतिक अस्थिरता बेरसा मंता। वायना दियांग लोपा ओसो उच्चुन देशकु लोपा इद्रमता परिस्थिति बाहर वायना लेक्का

मंता।

इव सब्बे कारण ते एशियाई, अफ्रीकी ओसो लातीन अमेरिकी देशकु लोपा साम्राज्यवाद-विरोधी संघर्ष ओसो तेज आयना लेक्का मंता।

नरेंद्र मोदी ना चार साल शासन कीता पेरके जनता ना लोपा पुटता भ्रम कम आया मंता। अदेना काजे भाजपा ओसो संघ परिवार हिंदू यतोनमाद तुन देशमेंड बेरसी कीया मंतोर। गुजरात ते सर्दार वल्लभभाई पटेल ना मूर्ति तुन अनावरण, अहमदाबाद, इलाहाबाद शहरकु ओसो फैजाबाद जिला ता पोरॉय बदली कीयना, अयोध्या ते राममंदिर निर्माण काजे प्रचार तेज कीयना इव सब्बे कार्यनीति धर्म पोरॉ आधार आसी सामाजिक विभाजन बेरसी कीसी वायना लोकसभा चुनाव ते जीडना काजे अमल कीया मंतोर। नरेंद्र मोदी लागू कीयना सब्बे आर्थिक ओसो राजनीतिक नीतिंग साम्राज्यवादी, दलाल नौकरशाह पूंजीपति ओसो सामंती वर्ग ना शोषण ओसो उत्पीडन तुन इंका सरल लूटी कीयना काजे उपयोग आया मंता। अदेना काजे स्वाभाविक रूप ते ओरा दुष्परिणामकु ना कारण ते देश ता मजदूरलोर, किसानलोर, छात्रलोर, युवालोर, महिलालोर, उडला व्यापारीलोर, राष्ट्रीय पूंजीपतिलोरा ओसो अलग-अलग तीव्र रूपकु ना कारण ते बोगेमाया मंतोर। इद साल रूपया ना मूल्य कम आयना, पेट्रोल ओसो डीजल संगे आसमान तुन बोयना जरूरत ता चीजकु ना मोला मध्यम वर्ग संगे, देश ता जनता ना पिस्वल तुन तिप्पल कीया मंतोर। हत्ता चार सालकु लोपा ब्राह्मणीय हिंदू फासीवाद दलितलोर, आदिवासीलोर ओसो धार्मिक अल्पसंख्यकलोर पोरॉ तीव्र रूप ते हमला कीया मंतोर। इद साल लोपा 'शहरी माओवादी' लोर खतरनाक आंदुर इंजी बदनाम कीसोरे जून ओसो अगस्त महीना ते जनसंगठन ता कार्यकर्तालोरा पोरॉ हमला वेने तेज आता।

इंजेके देश ता पांच राज्यकु लोपा- छत्तीसगढ़, मध्यप्रदेश, राजस्थान, तेलंगाना ओसो मिजोराम ते विधानसभा चुनाव आसोर मंता। अप्रैल 2019 ते लोकसभा चुनाव आयानद मंता। विधानसभा चुनाव आयी, लोकसभा चुनाव आयी बेद पक्षतोर जीडतेके वेने (भाजपा नेतृत्वता एनडीए ओसो कांग्रेस नेतृत्वता महागठबंधन) इव साम्राज्यवादी, दलाल नौकरशाही पूंजीवादी, सामंती शोषण ओसो उत्पीडन तुन सुव्यवस्थित कीयनोर, देशविरोधी ओसो जनविरोधी आर्थिक, राजनीतिक नीति कुने अमल कीयानोर। सत्ता ते वायना पार्टी बेद वातेके वेने, जनता ना दैनंदिन समस्याकु, मौलिक समस्या हल आयो - इव हत्ता 71 सालक नल शोषक वर्गतोर ताकी कीयना शासन स्पष्ट आतदू मंता। अदेन काजे -

देश ता उत्पीडित वर्ग, उत्पीडित सामाजिक जनसमुदाय ओसो उत्पीडित

राष्ट्रीयता ओरा रोजमर्रा ओसो मौलिक समस्याकु नल परिष्कार काजे संसदीय राजनीतिक पार्टिंग ना पोरो, संसदीय व्यवस्था ता भ्रम तल बाहर वासी लूटी समाज तुन मुट्टी कीसी नवजनवादी भारत निर्माण काजे, जनमुक्ति छापामार सेना ते हजारों, लाखों संख्या ते भर्ती आयना इंजी सीएमसी आह्वान कीया मंता।

प्रतिक्रांतिकारी 'समाधान' हमला तुन हरा कीयला काजे हत्ता उंदी साल ते मावा वीर पीएलजीए तोर हासिल गुरिल्लायुद्ध सफलतांग ना बारे ते जनता लोपा, कैडरना लोपा ओसो पीएलजीए योद्धालोरा लोपा व्यापक रूप ते प्रचार कीयला ओसो दिसम्बर महीना ते भर्ती अभियान तुन सफल कीयला काजे पार्टी कमेटींग ओसो पीएलजीए कमान कुन आह्वान कीया मंता।

- ☆ प्रतिक्रांतिकारी 'समाधान' हमला तुन हरा कीयाकल!
- ☆ दुश्मन तुन उन्मूलन कीसोरे हथियार तुन जब्त कीयाकल!
- ☆ दुश्मन ना मुन्ने आत्मसमर्पण आयना-गुलाम ता समान आंदु!
- ☆ दुश्मन ना धोखेबाजी आत्मसमर्पण नीतिंग कुन मलसी हीमटू!
- ☆ पार्टी, पीएलजीए ओसो संयुक्तमोर्चा तुन संगठित कीयाकल!
- ☆ क्रांतिकारी जनताना सरकार कुन मजबूत ओसो विस्तार कीयाकल!
- ☆ पीएलजीए ते बेहरा संख्या ते लय्या-लेय्योर किन भर्ती कीयाकल!
- ☆ साम्राज्यवाद-विरोधी, सामंतवाद-विरोधी वर्गसंघर्ष तुन तेज कीयाकल!
- ☆ ब्राह्मणीय हिंदू फासीवाद ता खिलाफ मजबूत ओसो जुझारू आंदोलन तुन निर्माण कीयाकल!
- ☆ मार्क्सवाद-लेनिनवाद-माओवाद जिंदाबाद!
- ☆ पीएलजीए जिंदाबाद!
- ☆ भाकपा (माओवादी) जिंदाबाद!

क्रांतिकारी अभिवादन संगे,
सेंट्रल मिलिटरी कमीशन,
भाकपा (माओवादी)

11-11-2018

